

KANTON SARAJEVO STRUČNA SLUŽBA ZA ZAJEDNIČKE POSLOVE
ulica Reisa Džemaludina Čauševića br. 1 71 000 Sarajevo
ID broj: 4200667410006

i

RACIONAL d.o.o. Sarajevo
Grbavička 6, 71 000 Sarajevo,
ID 4200012750009

zaključili su

UGOVORA

o pružanju usluga iznajmljivanja termalnih kamera za potrebe Kantona Sarajevo

Član 1.

(Predmet ugovora)

Naručilac naručuje, a Izvršilac preuzima obavezu da za račun Naručioca, a prema uslovima i odredbama ovog Ugovora i na osnovu prihvaćene ponude Izvršioca broj: JN-KS-12/20 od 30.06.2020. godine, **zaprmljene 30.06.2020. godine, pod brojem: 17-11-22680** i konačne ponude nakon održane E-aukcije od 03.07.2020. godine, izvrši **usluge iznajmljivanja tri termalne kamere za potrebe Kantona Sarajevo.**

Član 2.

(Obim pružanja dodatnih usluga)

Izvršilac se obavezuje da po nalogu Naručioca i na osnovu prethodno usaglašenog i od strane Naručioca usvojenog obima usluga, izvede eventualne naknadne ili dodatne usluge, a sve u skladu sa odredbama ovog Ugovora i u skladu sa zakonom.

Član 3.

(Način realizacije)

Izvršilac poslova se obavezuje da sve ugovorene usluge izvede prema usaglašenoj dokumentaciji, a u skladu važećim propisima, standardima i normativima za ovu vrstu poslova.

Član 4.

(Ispravnost i kvaliteta usluga)

Za sve vrste izvedenih poslova u odnosu na važeće propise, Izvršilac je dužan o svom trošku, izraditi i Naručiocu dostaviti odgovarajuće dokaznu dokumentaciju o ispravnosti i kvalitetu izvedenih poslova.

Član 5.

(Odstupanja)

Eventualna odstupanja od izvršenja dodatnih usluga, a u pogledu njihovog kvaliteta kao i njihovog obima do 3% od ugovorenih usluga, moraju biti prethodno odobrena od strane Naručioca, odnosno od strane nadzornog organa, uz prethodno provođenje procedure koja je u skladu sa Zakonom o javnim nabavkama ("Sl. glasnik BiH", broj 39/14).

Član 6.
(Kontrola)

Stručni nadzor nad realizacijom usluga vršit će Stručna služba za zajedničke poslove Kantona Sarajevo preko svog ovlaštenog lica, koje će biti imenovano odmah po potpisivanju Ugovora. Izvršilac usluga je dužan da pismenim putem obavijesti Naručioca o imenu ovlaštenog lica za realizaciju ugovorenih usluga.

Član 7.
(Garancija kvalitete)

Izvršilac poslova daje garanciju da će izvedene usluge i biti realizovane u skladu sa važećim zakonskim propisima koji se odnose na ovu vrstu poslova.

Član 8.
(Rok za reklamacije)

U slučaju naknadne pojave nedostataka u kvalitetu izvedenih usluga, a u okviru ugovorene realizacije usluga, Izvršilac je dužan da u roku od 24 (dvadesetčetiri) sata po pozivu Naručioca pristupi njihovom otklanjanju i iste odmah otkloni o svom trošku.

U slučaju da se Izvršilac po pozivu Naručioca ne odazove u roku iz stav 1. ovog člana Ugovora, Naručilac stiče pravo da za otklanjanje nedostataka, na račun Izvršioca angažuje drugog Izvršioca.

Član 9.
(Otklanjanje nedostataka)

U slučaju naknadne pojave nedostataka u kvalitetu izvršenih usluga, a u okviru ugovorenih usluga, čijim bi trajanjem bile prouzrokovane veće materijalne štete, Izvršilac je dužan da otklanjanju nedostataka pristupi odmah po pozivu Naručioca.

U slučaju da Izvršilac to izbjegava Naručilac će postupiti na način predviđen članom 8. ovog Ugovora.

Član 10.
(Vrijednost Ugovora)

Ukupna vrijednost usluga po ovom Ugovoru (iznajmljivanje 3 termalne kamere na period od 12 mjeseci) iznosi:

Vrijednost Ugovora bez PDV-a	17.820,00 KM
PDV 17 %	3.029,40 KM
Vrijednost Ugovora sa PDV-om	20.849,40 KM

Slovima: dvadesethiljadaosamstotinačetrestdevet i 40/100 KM).

Konačna vrijednost usluga utvrdit će se konačnim obračunom realizovanih usluga, a na osnovu stvarno izvedenih količina i ugovorenih jediničnih cijena usluga.

Konačnom vrijednošću usluga će biti obuhvaćene i eventualne naknadne usluge, a u skladu sa članom 2. ovog Ugovora.

Ugovorne strane su saglasne da se fakture ispostavljene na osnovu odobrenih narudžbenica imaju smatrati zaključenim pojedinačnim ugovorom u okviru ovog Ugovora.

Član 11.
(Nepromjenjivost cijena)

Izvršilac nema pravo na promjenu ugovorenih jediničnih cijena, po bilo kom osnovu i u tom smislu **utvrđene (prihvaćene) jedinične cijene smatraju se fiksnim i nepromjenljivim.**

Član 12.
(Način plaćanja)

Ugovorne strane su se sporazumjele da Naručilac, Izvršiocu izvedene usluge plati na račun:
- žiro račun broj:1401010002853579 kod Sberbank d.d. Sarajevo.

Član 12.
(Način fakturisanja)

Fakturisanje (plaćanje) realizovanih usluga će se vršiti na sljedeći način:

- **nakon završetka ugovorom predviđenih usluga i ispostavljanja fakture.**

Ovjerenu i potpisanu fakturu Naručilac je, na način predviđen članom 12. ovog Ugovora dužan isplatiti Izvršiocu u roku od **60 dana**, koji počinje teći danom njenog prijema od strane Naručioca.

Član 13.
(Rok za izvršenje usluga)

Rok za izvršenje svih ugovorenih usluga je **7 dana** od dana potpisivanja ugovora.

Član 14.
(Obaveze Naručioca)

Obaveze Naručioca su:

1. da potpiše i ovjeri ovaj Ugovor,
2. da preda Izvršiocu svu dokumentaciju potrebnu za realizaciju usluga.

Član 15.
(Izmjene ugovora)

Ugovorne strane su saglasne da se odredbe Ugovora mogu mijenjati sporazumno i samo u pisanoj formi, a takav dokument čini sastavni dio ovog Ugovora.

Član 16.
(Raskid ugovora)

U slučaju da jedna od ugovornih strana ne izvršava svoje obaveze u cijelosti ili ih izvršava djelimično, i ukoliko takvim ne izvršavanjem obaveza čini štetu drugoj ugovornoj strani, druga ugovorna strana stiče pravo na jednostran raskid Ugovora i naplatu nastale štete.

Ugovorne strane su saglasne da ovaj ugovor vrijedi do njegove pune realizacije ili do dana prestanka potrebe korištenja opreme (termalnih kamera) odnosno, ukoliko ugovorni organ (Vlada KS ili SSZP KS) procjeni da ne postoji potreba za daljnjim korištenjem termalnih kamera, ovaj ugovor se ima smatrati ništavnim, sa danom utvrđivanja prestanka potrebe (odluka, rješenje i dr.). Raskid Ugovora na navedeni način se ima smatrati diskrecionim pravom ugovornog organa i kao takav ne može biti predmet bilo kakvog sudskog spora između ugovornih strana.

Član 17.
(Rješavanje sporova)

U slučaju spora po ovom Ugovoru, ugovorne strane su dužne isti sporazumno riješiti, a u protivnom saglasne su da prihvataju nadležnost suda u Sarajevu.

Član 18.
(Trajanje Ugovora)

Ovaj Ugovor stupa na snagu danom potpisa od strane ugovornih strana i traje u periodu od 12 (dvanaest) mjeseci od dana potpisivanja Ugovora, sa mogućnošću produženja istog za najduže godinu dana, pod istim uslovima.

Član 19.
(Zabrana zapošljavanja)

Izvršilac nema pravo da zapošljava, u svrhu izvršenja Ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.

Član 20.
(Završne odredbe)

Ovaj Ugovor sačinjen je u 4 /četiri/ istovjetna primjerka od kojih po 2 /dva/ primjerka za svoje potrebe zadržava svaka ugovorna strana.

NARUČILAC:

KANTON SARAJEVO

Stručna služba za zajedničke poslove



Broj: 17-11-21604-12

Datum: 06.08.2020. godine

IZVRŠILAC:

RACIONAL d.o.o.

Direktor

RACIONAL
d.o.o.
SARAJEVO

Broj: 888-08/20

Datum: 06.08.2020